

1059

24-08-2017
1178

Bosna i Hercegovina
Federacija Bosne i Hercegovine

KANTON SARAJEVO

**Ministarstvo komunalne
privrede i infrastrukture**



Bosnia and Herzegovina

Federation of Bosnia and Herzegovina

CANTON SARAJEVO

**Ministry of Communal Economy and
Infrastructure**

Broj: 27-16-49-148-134/17

Sarajevo, 21.08.2017 godine

SKUPŠTINA KANTONA SARAJEVO

-Ovdje -

Zastupnica Sigmundina Srna Bajramović, je na 31. Radnoj sjednici Skupštine Kantona Sarajevo, održanoj dana 05.07.2017 godine, u okviru tačke Dnevnog reda, "Zastupnička pitanja, inicijative i odgovori", u skladu sa Poslovníkom Skupštine Kantona Sarajevo, postavila zastupničko pitanje.

Zastupničko pitanje je slijedećeg sadržaja:

S obzirom da se svako poskupljenje grijanja politički pravda ulaznim cijenama plina, tražim da toplane javno i transparentno na svojoj web stranici ili stranici Vlade objavi kalkulaciju formiranja cijene grijanja i to sa obavezno naglašenom ulaznim cijenom plina i izlaznim cijenama grijanja polazeći od 01.08.2015 do danas.

Kako smo svjedoci da se u javnom prostoru često susrećemo sa optužbama kako je neko drugi nekada, zbog nekih neodgovornih odluka Toplane doveo u loše stanje, tražim da Toplane uz svu argumentaciju koju posjeduje, obavijesti javnost i podnesu krivične prijave protiv odgovornih osoba u tom periodu.

Vrijeme je da prekinemo politički populizam kao pragmatično sredstvo Facebook pravedanja današnjih loših odluka, i pokrenemo konkretne postupke u cilju utvrđivanja političke, krivične i moralne odgovornosti.

U skladu sa odredbama Poslovníka o radu Vlade Kantona Sarajevo da odgovore na poslaničko/zastupničko pitanje ili inicijativu daje resorno ministarstvo, i odredbama Poslovníka Skupštine Kantona Sarajevo, Ministarstvo komunalne privrede i infrastrukture Kantona Sarajevo daje slijedeći,



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086, Fax: + 387 (0) 33 562-177
Sarajevo, Reisa Džemaludina Čauševića 1



- odgovor -

Skupština Kantona Sarajevo je predmetni akt sa prilogom zastupničko pitanje Segmendine Srne Bajramović dostavilo resornom ministarstvu tj. Ministarstvu komunalne privrede i infrastrukture Kantona Sarajevo u Sektor komunalnih djelatnosti, Odjeljenju tehničkih poslova, 25.07.2017. godine.

Postupajući u skladu sa odredbama člana 34. stava 4. Poslovnika o radu Vlade Kantona Sarajevo ("Službene novine Kantona Sarajevo", broj: 4/16), i u skladu sa odredbama Poslovnika Skupštine Kantona Sarajevo – Drugi novi prečišćeni tekst ("Službene novine Kantona Sarajevo", broj: 41/12 15/15,47/13,47/15 i 48/16) i u skladu sa svojim nadležnostima Ministarstvo komunalne privrede i infrastrukture Kantona Sarajevo, a u vezi pripreme odgovor na postavljeno zastupničko pitanje uvažene zastupnice Segmendine Srne Bajramović, uputili predmetni akt broj: 27-16-49-148-134/17 od 09.08.2017 godine KJKP "Toplane – Sarajevo" d.o.o. Sarajevo na nadležno postupanje odnosno da dostavi traženi odgovor.

U skladu sa navedenim, KJKP "Toplane – Sarajevo" d.o.o. Sarajevo je aktom broj: 03-02/01-3449/17 od 14.08.2017. god. dostavili su traženi odgovor kojeg u cijelosti prenosimo:

Na Vaše traženje, a u skladu sa postavljenim zastupničkim pitanjem zastupnice Segmendine Srne Bajramović, dajemo izjašnjenje:

Organi upravljanja KJKP "Toplane – Sarajevo" d.o.o. Sarajevo su za svaku poslovnu godinu, poštujući u potpunosti zakonske rokove, putem resornog ministarstva dostavljali Vladi Kantona Sarajevo, detaljan plan poslovanja (čiji je sastavni dio bila i kalkulacija cijene grijanja za tu godinu⁹, usvojen od svih organa upravljanja a koji bi osigurao ostvarivanje prihoda i pokrivanje troškova, te poslovanje bez gubitaka.

Također, za svaki okončani obračunski period (poslovnu godinu), organi upravljanja KJKP "Toplane – Sarajevo" d.o.o. Sarajevo, su putem resornog ministarstva, dostavljali svom osnivaču na razmatranje detaljne izvještaje o poslovanju, koji je pored informacije vezano za sve značajne događaje nastale u periodu od završetka poslovne godine do datuma predaje finansijskog izvještaja, sadržavao i informacije o rizicima za nastavak poslovanja. Putem izvještaja o radu Skupština preduzeća set ovih izvještaja je dostavljen i Skupštini Kantona koja je na taj način bila direktno upoznata o svim dešavanjima.

Pored godišnjih izvještaja o poslovanju, organi upravljanja su permanentno ukazivali na uočene poteškoće i probleme u poslovanju, tj. rizike poslovanja, čije rješavanje nije u nadležnosti organa u preduzeću, nego organa izvršne i zakonodavne vlasti Kantona. Nepoduzimanje adekvatnih mjera (sve do augusta 2016 godine) dovelo je do akumuliranog gubitka i iskazivanja gubitka iznad visine kapitala. Ovi gubici su posljedica:

- dugogodišnjeg neodobravanja povećanja cijene grijanja (u augustu 2016 godine, prvi put je odobrena cijena grijanja kojom se na godišnjem nivou, pri planskim normativima i cijeni gasa od 0,53KM/Sm³, omogućava ostvarivanje prihoda od centralnog grijanja kojim se pokrivaju poslovni rashodi),
- nemogućnosti naplate potraživanja (iako se ulažu maksimalni naponi s ciljem da korisnici budu zadovoljni našom uslugom, potraživanja od određenog broja korisnika ne možemo naplatiti, što zbog namjernog izbjegavanja plaćanja usluge ne prijavljivanjem promjene vlasništva/korištenja prostora i zbog sporosti u radu nadležnog suda.).



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086, Fax: + 387 (0) 33 562-177
Sarajevo, Reisa Džemaludina Čauševića 1



U posljednjih godinu dana smo, zaključivanjem Ugovora o reprogramu duga br. 03-08-04-942/17, za ukupne obaveze za prirodni gas nastale do 31.12.2015 godine (koje su direktna posljedica neekonomske cijene centralnog grijanja koja nije pratila povećanje cijene prirodnog gasa, te preduzeće nije bilo u mogućnosti izmirivati cjelovite obaveze za prirodni gas), uz pomoć Vlade Kantona Sarajevo, osigurali likvidnost preduzeća restrukturiranjima kratkoročnih obaveza u dugoročne obaveze.

Ipak, gubitak iznad visine kapitala u iznosu od 88.712.252 KM ukazuje na činjenicu da Preduzeće po postojećim uslovima ne može poslovati, te da je u skladu sa članom 185. Zakona o privrednim društvima, neophodno donošenje odluke vlasnika o pokriću navedenog gubitka, uz obezbijedenje uslova za dalji nastavak poslovanja Preduzeća što je traženo i kroz izvještaj o radu za 2016 godinu i nalaz eksternog revizora za 2016 godinu a taj zahtjev upućen kako Vladi Kantona tako i Skupštini Kantona kroz izvještaj Skupštine preduzeća.

Napominjemo da su ovakvi zahtjevi sa prijedlozima rješenja su upućeni i ranijih godina međutim nikad nije bilo adekvatnog odgovora niti aktivnosti našeg vlasnika u pravcu rješavanja ovog problema.

Zbog kompleksnosti problematike vezano za cijenu usluga centralnog grijanja i poslovnog ambijenta u kojem se nalazi Preduzeće, a vezan za zastupničko pitanje Segmendine Srna Bajramović, navodimo sljedeće:

1. Pregled ulaznih cijena gasa i izlaznih cijena grijanja

Pregled ulaznih cijena gasa i izlaznih cijena grijanja od 2007 godine do danas je dat u tabeli kako slijedi:

Godina	Period	Cijena gasa (KM/Sm3)	Cijena grijanja (KM/m2)
2007	01.01. - 31.03.	0,615	0,9900
	01.04. - 30.11	0,580	
	01.12. - 31.12.		1,1880
2008	01.01. - 29.02.	0,580	1,1880
	01.03 - 31.10.	0,690	
	01.11. - 31.12.	0,870	
2009	01.01. . 31.03.	0,870	1,1880
	01.04. - 30.06.	0,770	
	01.07. - 3.12.	0,590	



web: <http://mki.ks.gov.ba>
 e-mail: mki@mki.ks.gov.ba
 Tel: + 387 (0) 33 562-086, Fax: + 387 (0) 33 562-177
 Sarajevo, Reisa Džemaludina Čauševića 1



2010	01.01. - 31.03. (30.04)	0,590	1,1880
	01.04. (01.05.) - 31.12.	0,720	
2011	01.01. - 30.04.	0,720	1,1880
	01.05. - 31.10.	0,790	
	01.11. - 31.12.	0,890	
2012	01.01. - 31.12.	0,890	1,1880
2013	01.01. - 31.08.	0,890	1,1880
	01.09. - 31.12.	0,824	
2014	01.01. - 31.12.	0,824	1,1880
2015	01.01. - 30.09.	0,824	1,1880
	01.10. - 31.12.	0,720	1,3662
2016	01.01. - 31.03.	0,630	1,2569
	01.04. - 31.05.	0,580	1,2569
	01.06. - 31.07.	0,580	1,1946
	01.08. - 31.12.	0,530	Ts1 1,2110 Ts2 0,4881 (1,1946)
2017	01.01.31.03.	0,530	Ts1 1,2110 Ts2 0,4881 (1,1946)
	01.04. - 30.06.	0,600	Ts1 1,2110 Ts2 0,4881 (1,1946)

Ne usklađivanjem cijene grijanja od 2007 do 2015 godine i dalje sa promjenama cijena prirodnog gasa (po kojoj se ostvaruje prihod koji pokriva poslovne rashode paralelno sa odobrenim povećanjem cijene prirodnog gasa u proteklim periodima) je pored ostvarenih gubitaka iz redovnog poslovanja imalo za posljedicu povećanje obaveza prema KJKP "Sarajevogas-u" d.o.o. Sarajevo.

Procenat učešća troškova gasa, kao osnovnog energenta u ukupnim planiranim poslovnim rashodima kreće se od 69 % (Plan za 2015), 66 % (Plan za 2016) 60 % (Plan za 2017), a zavisno od cijene gasa.

U godinama prije 2015 godine ovaj procent je zauzimaio značajno veće učešće u ukupnim troškovima, zbog neizvršenog usklađivanja cijena.



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086, Fax: + 387 (0) 33 562-177
Sarajevo, Reisa Džemaludina Čauševića 1



2. Podnošenje zahtjeva za utvrđivanje visine tarifnih stavova član 30 (Tarifni sistem, "Službene novine KS broj: 34/16 od 25.08.2016)

Davalac usluge podnosi zahtjev za odobrenje visine tarifnih stavova, utvrđene u skladu sa ovim tarifnim sistemom Vladi Kantona Sarajevo putem Ministarstva komunalne privrede i infrastrukture, koja će pribaviti mišljenje Neovisnog stručnog tijela formiranog od strane Vlade za utvrđivanje validnosti obračuna.

Davalac usluge zahtjev iz stava 1. ovog člana podnosi za svaku poslovnu godinu i prilikom promjene cijene energenta s tim da se u uslovima nepokrivenih gubitaka u poslovanju, zahtjev za promjenu cijene neće podnositi u slučaju smanjenje cijene energenata, sve dok se ne izvrši pokriće gubitka.

Plan poslovanja Preduzeća usvajaju upravni organi imenovani os strane osnivača. U svakom izvještaju o poslovanju stoji navedena realizacija plana po stavkama.

3. Podneseni zahtjevi od 2015 godine

Na prijedlog Uprave broj: 03-03-02-713/14, Nadzorni odbor je donio Odluku broj: 01-18-03/14 od 11.12.2014 godine kojom je utvrdio prijedlog cijene koštanja centralnog grijanja na osnovu Kalkulacije cijene koštanja za 2015 godinu. Cijena koštanja sa odnosom troškova 60:40 prema prijedlogu Tarifnog sistema je iznosila 1,6115 KM/m², raspoređena na 12 mjeseci za 2015 godinu. Procenat povećanja je iznosio 35,65 % u odnosu na dotadašnju cijenu 1,1880 KM/m².

Svako povećanje cijene gasa iziskivalo je i promjenu cijena centralnog grijanja, koja se od 2007 godine nije mijenjala. Cijena grijanja je korigovana 01.10.2015 godine na način da se ukupna cijena za domaćinstva bez mjerenja – paušal poveća za 15 %, a u skladu sa tm, prema Metodologiji obračuna, korigovane su ostale i ostale visine tarifa. Cijena grijanja za domaćinstva je iznosila 1,3662 KM/m². Na osnovu upućenog zahtjeva, (Kalkulacija cijene koštanja Centralnog grijanja – Septembar 2015 godine) nije odobrena cijena koštanja centralnog grijanja za 2015 godinu, (1,4431 KM/m² – 21,48 5).

Cijena gasa od 01.01.2016 godine za Toplane od 0,63 KM/Sm³ je niža za 12,50 % u odnosu na prethodnu cijenu gasa od 0,72 KM/Sm³. Po Odluci broj: 02-05-6031-1/16 od 29.02.2016 godine, Vlada Kantona Sarajevo je utvrdila visine cijena centralnog grijanja sa retroaktivnom primjenom od 01.01.2016 godine. Utvrđene cijene centralnog grijanja su niže za 8 % u odnosu na prethodne cijene centralnog grijanja.

Cijena gasa od 01.04.2016 godine za Toplane od 0,58 KM/Sm³ je niža za 7,94 % u odnosu na prethodnu cijenu gasa od 063 KM/Sm³. Odlukom broj: 02-05-20147-20/16 od 13.06.2016 godine, Vlada Kantona Sarajevo je utvrdila nove cijene centralnog grijanja, sa primjenom od 01.06.2016 godine. Utvrđena cijena ovom odlukom su niže za 4,96 % u odnosu na cijenu centralnog grijanja koje su važile do 31.05.2016 godine.



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086, Fax: + 387 (0) 33 562-177
Sarajevo, Reisa Džemaludina Čauševića I



U 2017 godini, cijena gasa je od 01.04.2017 godine povećana sa 0,53KM/Sm³ na 0,60 KM/Sm³ što iznosi 13,5 %. Na osnovu Prijedloga odluke Nadzornog odbora broj: 01-05-01/17 od 10 .04 2017 godine Vlada Kantona Sarajevo je, Odlukom broj: 02-05-20105-2/17 od 31.05.2017 godine utvrdila novu cijenu centralnog grijanja koje su važile do 31.03.2017 godine.


Vlada Kantona Sarajevo je ponovo donijela Odluku broj: 02-05-21789-1/17 d 21.06.2017 godine, kojom prestaje da važi Odluka broj: 02-05-201015-2/17 od 31.05.2017 godine a cijene utvrđene ovom Odlukom veće su za 12,64 % u odnosu na cijene centralnog grijanja koje su važile do 31.03.2017 godine i trebaju se primjenjivati od 01.08.2017 godine.

4. Transparentnost informacija o načinu formiranja cijena na web stranici Preduzeća

Metodologijom obračuna proizvedene i isporučene toplotne energije, koja je objavljena u prilogu Tarifnog sistema, određeni su : elementi za obračun cijene toplotne energije, obračun i raspodjela isporučene toplotne energije, obračun naknade za vrijeme isključenja korisnika iz toplifikacionog sistema, obračun u slučaju poremećaja kvaliteta, prekida u isporuci i obustave isporuke toplotne energije. Metodologija je dostupna na našoj web stranici, zajedno sa Tarifnim sistemom.

Svaki prijedlog za promjenu cijene, urađen na osnovu ove Metodologije, je predmet razmatranja Neovisnog stručnog tijela formiranog od strane Vlade Kantona Sarajevo.

S poštovanjem,



Dostaviti:

1. Naslovu
2. Stručnoj službi Vlade Kantona Sarajevo
3. Evidencija
4. Arhiva



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086, Fax:+ 387 (0) 33 562-177
Sarajevo, Reisa Džemaludina Čauševića 1

